


Ўзбекистон Республикаси
ялпи ички маҳсулоти¹
2026 йил январь-июнь ойлари учун²

- I. Ялпи ички маҳсулот динамикаси
- II. Иқтисодий фаолият турлари бўйича ялпи ички маҳсулот
- III. Аҳоли жон бошига ялпи ички маҳсулот динамикаси
- IV. Ахборот-коммуникация технологиялари хизматларининг ялпи ички маҳсулотдаги улуши
- V. Кичик тадбиркорлик (бизнес)да яратилган ялпи қўшилган қиймат
- VI. Ўзбекистон бўйича кузатилмайдиган иқтисодиёт
- VII. Изоҳлар
- VIII. Ҳаволалар

I. Ялпи ички маҳсулот динамикаси

Дастлабки маълумотларга кўра, 2026 йилнинг январь-июнь ойларида Ўзбекистоннинг ялпи ички маҳсулоти (ЯИМ) ҳажми жорий нархларда **1 072,7** трлн сўмни ҳамда 2025 йилнинг мос даври билан таққослаганда реал ўсиш суръати **8,5 %** ни ташкил этди.

ЯИМ ҳажми ва ўсиш суръатлари³, январь-июнь



Мавзуга доир ҳавола:

[ЯИМ \(ЯХМ\) ҳажми \(чораклик\)](#)

[ЯИМ \(ЯХМ\) ўсиш суръатлари \(чораклик\)](#)

¹ Маълумотлар кузатилмайдиган иқтисодиётни баҳолаш бўйича ўтказилган статистик кузатувлар натижаларини ҳисобга олган ҳолда шакллантирилган.


² Дастлабки маълумотлар

³ 2025 йилнинг январь-июнь ойлари маълумотлари қайта баҳоланган.

ЯИМ дефлятор индекси 2025 йилнинг январь-июнь ойларидаги нархларга нисбатан **109,8 %** ни ташкил этди. ЯИМ дефлятор индексининг энг юқори кўрсаткичлари саноат тармоғида – **113,1 %**, қишлоқ, ўрмон ва балиқчилик хўжалигида – **111,6 %** ва бошқа хизмат тармоқларида – **111,5 %** ни ташкил этди.

Республиканинг ўртача даражасидан паст бўлган дефлятор индекслари ташиш ва сақлаш, ахборот ва алоқада – **103,2 %**, қурилишда – **105,6 %** ҳамда савдо, яшаш ва овқатланиш бўйича хизматларда – **106,2 %** ни ташкил этди.

2026 йилнинг январь-июнь ойларида ЯИМнинг иқтисодий фаолият бўйича дефлятор индекслари



Мавзуга доир ҳавола:

[ЯИМ дефлятор индекси \(чораклик\)](#)


II. Иқтисодий фаолият бўйича ялпи ички маҳсулот

Иқтисодий фаолият бўйича ЯИМни ишлаб чиқариш қуйидаги жадвалда келтирилган маълумотлар билан ифодаланади:

	Ҳажми, млрд сўм		Ўсиш суръатлари, % да	ЯИМ ўсишидаги ҳиссаси, ф.п. да
	2025 йил январь-июнь	2026 йил январь-июнь		
ЯИМ – жами	900 694,2	1 072 670,1	108,5	x
шу жумладан:				
Тармоқларнинг ялпи қўшилган қиймати	861 787,8	1 027 621,9	108,5	8,1
қишлоқ, ўрмон ва балиқчилик хўжалиги	132 020,3	154 256,4	104,7	0,7
саноат	223 246,0	272 600,0	108,0	2,0
қурилиш	65 910,6	79 171,5	113,7	1,0
савдо, яшаш ва овқатланиш бўйича хизматлар	125 403,8	151 197,9	113,5	1,8
ташиш ва сақлаш, ахборот ва алоқа	71 965,3	88 039,2	118,6	1,5
бошқа хизмат тармоқлари	243 241,8	282 356,9	104,1	1,1
Маҳсулотларга соф солиқлар	38 906,4	45 048,2	108,3	0,4

Иқтисодий ўсиш суръати иқтисодиётнинг асосий тармоқларида кузатилган ижобий динамика билан боғлиқдир. Иқтисодиётнинг барча тармоқларида яратилган ялпи қўшилган қиймат ҳажми ЯИМ умумий ҳажмининг **95,8 %** ини ташкил этди ва **8,5 %** га ўсди (ЯИМ мутлақ ўсишидаги ҳиссаси **8,1** фоиз пунктни ташкил этди). Маҳсулотларга соф солиқларнинг ЯИМ таркибидаги улуши **4,2 %** ни ташкил этди ва **8,3 %** даражасида ўсиш қайд этилди (ЯИМ мутлақ ўсишидаги ҳиссаси **0,4** ф.п.).

ЯИМнинг тармоқлар бўйича таркиби, январь-июнь



2026 йилнинг январь-июнь ойлари якунларига кўра, ЯИМ таркибида катта бўлмаган ўзгаришлар кузатилди. 2025 йилнинг мос даврига нисбатан ЯИМ (ЯҚҚ) таркибида саноатнинг улуши **25,9 %** дан **26,5 %** га ошди. Шу билан бирга, хизматлар соҳасининг улуши **51,1 %** дан **50,8 %** га, қишлоқ, ўрмон ва балиқчилик хўжалигининг улуши **15,3 %** дан **15,0 %** га камайди. Қурилишнинг улуши (**7,7 %**) эса ўтган йилнинг мос даври даражасида сақланди.

2026 йилнинг январь-июнь ойларида қишлоқ, ўрмон ва балиқчилик хўжалигида **4,7 %** даражасида ўсиш қайд этилди.

Ушбу тармоқдаги ўсиш суръатлари ўрмон хўжалиги – **6,3 %** га ва балиқчилик хўжалиги – **35,8 %** га ўсиши билан боғлиқ.

2026 йилнинг январь-июнь ойлари якунларига кўра, саноат тармоғида яратилган ялпи қўшилган қиймат ҳажми **272 600,0** млрд сўмни ташкил этди ва 2025 йилнинг мос даври билан таққослаганда **8,0** % га ўсиш кузатилди.


Ушбу тармоқдаги ижобий динамика, асосан ишлаб чиқарадиган (қайта ишлаш) саноатнинг **8,8** % га ўсиши ҳисобига таъминланди.

	Ҳажми, млрд сўм		Ўсиш суръатлари, % да
	2025 йил январь-июнь	2026 йил январь-июнь	
Саноат – жами	223 246,0	272 600,0	108,0
<i>шу жумладан:</i>			
тоғ-кон саноати ва очиқ конларни ишлаш тармоғи	24 973,8	27 161,5	102,1
ишлаб чиқарадиган (қайта ишлаш) саноат	183 246,8	227 609,1	108,8
электр, газ, буғ билан таъминлаш ва ҳавони кондициялаш тармоғи	13 675,1	16 122,0	107,9
сув билан таъминлаш, канализация тизими, чиқиндиларни йиғиш ва утилизация қилиш тармоғи	1 350,3	1 707,4	115,9

2026 йилнинг январь-июнь ойлари якунларига кўра, қурилиш тармоғида яратилган ялпи қўшилган қиймат ҳажми **79 171,5** млрд сўмни ташкил этди ва 2025 йилнинг мос даври билан таққослаганда қурилиш ишлари ҳажми **13,7** % га ўсди.

Жумладан, бино ва иншоотлар қурилиши **8,5** % га, фуқаролик объектлари қурилиши **21,5** % га ва ихтисослаштирилган қурилиш ишлари **39,8** % га ўсган.

Қурилиш тармоғининг ялпи қўшилган қиймати таркиби, январь-июнь




2026 йилнинг январь-июнь ойлари якунларига кўра, хизматлар соҳасининг ялпи қўшилган қиймати ҳажми **521 594,0** млрд сўми ташкил этди ва 2025 йилнинг мос даврига нисбатан **9,2 %** га ўсди. Шу жумладан, савдо хизматлари **15,0 %** га, яшаш ва овқатланиш бўйича хизматлар **10,8 %** га, ташиш ва сақлаш хизматлари **15,8 %** га, ахборот ва алоқа хизматлари **23,2 %** га, бошқа хизматлар **4,1 %** га ўсди.

	Ҳажми, млрд сўм		Ўсиш суръатлари, % да
	2025 йил январь-июнь	2026 йил январь-июнь	
Хизматлар соҳаси – жами	440 610,9	521 594,0	109,2
<i>шу жумладан:</i>			
савдо хизматлари	80 259,6	97 022,9	115,0
яшаш ва овқатланиш бўйича хизматлар	45 144,2	54 175,0	110,8
ташиш ва сақлаш	45 372,6	53 883,7	115,8
ахборот ва алоқа	26 592,7	34 155,5	123,2
бошқа хизматлар	243 241,8	282 356,9	104,1

2026 йилнинг январь-июнь ойларида савдо тармоғининг ялпи қўшилган қиймати таркибида энг катта улуши чакана савдо (автотранспорт воситалари савдосидан ташқари)га тўғри келди ва **42,7 %** ни ташкил этди. Улгуржи савдо (автотранспорт воситалари савдосидан ташқари)нинг улуши **39,3 %** ни, автотранспорт воситаларининг улгуржи ва чакана савдоси ҳамда уларни таъмирлашнинг улуши **18,0 %** ни ташкил қилди.


Савдо тармоғининг ялпи қўшилган қиймати таркиби, январь-июнь



2026 йилнинг январь-июнь ойлари якунларига кўра, ташиш ва сақлаш тармоғининг Республика ЯИМИдаги улуши **5,3 %** ни ташкил этди.

Ташиш ва сақлаш тармоғининг қўшилган қиймати таркибида энг кўп улуши автомобиль транспортига тўғри келди ва **57,9 %** ни ташкил этди. Мазкур тармоқ умумий қўшилган қийматида қувур транспортининг улуши **8,1 %**, темир йўл транспортининг улуши **8,4 %**, ёрдамчи транспорт фаолиятининг улуши **17,7 %**, ҳаво транспортининг улуши **7,9 %** ни ташкил этди.


Ташиш ва сақлаш тармоғининг ялпи қўшилган қиймати таркиби, январь-июнь



III. Аҳоли жон бошига ялпи ички маҳсулот динамикаси

2026 йилнинг январь-июнь ойлари якунларига кўра, аҳоли жон бошига ЯИМ ҳажми **27 950,1** минг сўмни ҳамда 2025 йилнинг мос даврига нисбатан реал ўсиш суръати **6,6 %** ни ташкил этди.

Аҳоли жон бошига ЯИМ ҳажми ва ўсиш суръатлари, январь-июнь




IV. Ахборот-коммуникация технологиялари хизматларининг ялпи ички маҳсулотдаги улуши

2026 йилнинг январь-июнь ойларида ахборот-коммуникация технологиялари (АКТ) хизматларининг мамлакат иқтисодиётидаги улуши **2,9 %** ни ташкил этди.

АКТ хизматларида яратилган ялпи қўшилган қиймат ҳажмининг **28,9** фоизи алоқа хизматлари, **53,6** фоизи компьютер дастурлаштириш, маслаҳат бериш ва бошқа ёрдамчи хизматлар, **10,5** фоизи маълумотларни жойлаштириш ва ишлов бериш бўйича хизматлар, веб-порталлар, **4,4** фоизи дастурий таъминотни чиқариш, қолган **2,6** фоизи компьютерлар ва алоқа ускуналарини таъмирлаш хизматлари ҳиссасига тўғри келган.



АКТ хизматларининг ялпи қўшилган қиймати, январь-июнь



V. Кичик тадбиркорлик (бизнес)да яратилган ялпи қўшилган қиймат

Таркиби, жамига нисбатан

ЯИМда кичик тадбиркорлик (бизнес)нинг улуши,
ЯҚҚга нисбатан



2026 йилнинг январь-июнь ойлари якунлари бўйича кичик тадбиркорлик (бизнес) субъектлари томонидан **518 667,5** млрд сўм миқдорида қўшилган қиймат ёки иқтисодиётдаги ялпи қўшилган қийматнинг **50,5 %** и яратилган. Шундан **28,4 %** и қишлоқ, ўрмон ва балиқчилик хўжалиги, **11,9 %** и саноат, **11,7 %** и қурилиш тармоқлари ва **48,0 %** и хизматлар соҳасига тўғри келди.

Кичик тадбиркорлик (бизнес) субъектлари улуши иқтисодиётнинг асосий тармоқлари бўйича қишлоқ, ўрмон ва балиқчилик хўжалигида **95,4 %**, қурилишда **76,9 %**, хизматлар соҳасида **47,7 %** ва саноатда **22,7 %** ни ташкил этди.

VI. Ўзбекистон бўйича кузатилмайдиган иқтисодиёт

2026 йилнинг январь-июнь ойлари якунларига кўра, Ўзбекистонда кузатилмайдиган (уй хўжаликлари ва жисмоний шахслар фаолияти ҳамда яширин) иқтисодиётнинг ялпи қўшилган қиймати ҳажми **245 489,9** млрд сўми ва унинг ялпи ички маҳсулотдаги улуши **22,9 %** ни ташкил этди (2025 йилнинг январь-июнида – **26,1 %**).

Шундан уй хўжаликлари ва жисмоний шахслар фаолиятининг ялпи қўшилган қиймати ҳажми **165 465,9** млрд сўми ва унинг ялпи ички маҳсулотдаги улуши **15,4 %** ни ташкил этди. Яширин иқтисодиётнинг ялпи қўшилган қиймати ҳажми эса **80 024,0** млрд сўми ва унинг ялпи ички маҳсулотдаги улуши **7,5 %** ни ташкил этди.



Мавзуга доир ҳавола:

[Кузатилмайдиган иқтисодиёт](#)

2026 йилнинг январь-июнь ойларида уй хўжаликлари ва жисмоний шахслар фаолияти ҳамда яширин иқтисодиёт ҳажмининг тармоқлар бўйича таркибида қишлоқ, ўрмон ва балиқчилик хўжалиги **60,5 %** ни, хизматлар соҳаси **23,0 %** ни, қурилиш **17,8 %** ни ва саноат **6,7 %** ни ташкил этган.

VII. Изоҳлар

Ялпи ички маҳсулот (ЯИМ) Миллий ҳисоблар тизимининг асосий кўрсаткичларидан бири ҳисобланиб, резидент иқтисодий бирликлар ишлаб чиқариш фаолиятининг якуний натижасини ҳамда ушбу бирликлар томонидан якуний фойдаланиш учун ишлаб чиқарилган товарлар ва хизматлар қийматини ўзида акс эттиради.

Ишлаб чиқариш усулида ҳисобланган ЯИМ Ўзбекистон Республикасининг иқтисодий ҳудудидаги барча резидент бирликларни уларнинг иқтисодий фаолият турлари бўйича қамраб олади.

ЯИМни ишлаб чиқариш усулида тармоқлар кесимида баҳолаш учун Иқтисодий фаолият турлари умумдавлат таснифлагичи (ИФУТ 2-таҳрири)дан фойдаланилади.

Аҳоли жон бошига ЯИМ муайян даврда жорий нархлардаги ЯИМ ҳажмини мамлакатнинг ўртача аҳолиси сонига бўлиш орқали аниқланади.

Ялпи қўшилган қиймат (ЯҚҚ) ишлаб чиқарилган товарлар ва хизматлар қиймати (ишлаб чиқариш) ва ишлаб чиқариш жараёнида тўлалигича истеъмол қилинган товарлар ва хизматлар қиймати (оралиқ истеъмол) ўртасидаги фарқ орқали аниқланади.

ЯИМ физик ҳажм индекси (реал ўсиш суръати) ҳисобот давридаги реал ЯИМнинг, яъни доимий нархларда (ўтган йилнинг тегишли даври нархларида) ҳисобланган ЯИМнинг

ўтган йилнинг тегишли давридаги жорий нархлардаги ЯИМга нисбати сифатида белгиланади.

ЯИМ дефлятор индекси иқтисодиётдаги нархларнинг ўртача ўзгаришини тавсифлайди ва номинал ЯИМ (ҳисобот давридаги жорий нархлардаги ЯИМ)нинг реал ЯИМга нисбати орқали ҳисобланади.

Кузатилмайдиган иқтисодиёт – мунтазам статистика кузатувларида тўлиқ ёки қисман қамраб олинмайдиган, шунингдек, статистика кўрсаткичларида акс эттирилишида билвосита усуллар билан баҳоланадиган иқтисодий фаолият турлари.

Уй хўжаликлари ва жисмоний шахслар фаолияти – уй хўжаликлари ёки жисмоний шахслар томонидан белгиланган тартибда рўйхатдан ўтмасдан амалга ошириладиган, маҳсулот ишлаб чиқариш (хизмат кўрсатиш) билан боғлиқ иқтисодий фаолият.

Яширин иқтисодиёт – қонун билан тақиқланмаган, бироқ солиқ тўлашдан бўйин товлаш ва қонунчилик меъёрлари талабларига риоя қилмаслик мақсадида давлат ҳокимияти органларидан қасддан яшириладиган иқтисодий фаолият.

VIII. Ҳаволалар

[Ялпи ички маҳсулотни ишлаб чиқариш усулида ҳисоблаш бўйича услубий низом](#)

[Кузатилмайдиган иқтисодиётни статистик баҳолаш бўйича услубий низом](#)

[Ишлаб чиқариш усули бўйича ялпи ички маҳсулот](#)

Чоп этишга масъул:
Миллий ҳисоблар бошқармаси

Манзил: 100170, Тошкент,
Мустақиллик шоҳ кўчаси, 63
Алоқалар: info@stat.uz
Тел.: 71-203-80-00 (1060)

